



Inatsisartuni ilaasortaq
Jørgen-Ole Nyboe Nielsen
Demokraatit

§ 37 naapertorlugu apeqqut nr. 2012-099 Pituffimmi sunngiffimmi atuartitsineq

2.maj 2012

Asasara Jørgen-Ole Nyboe Nielsen

Sagsnr. 2007-003515

Dok. Nr. 887200

Naalakkersuisunut ima apeqquteqarsimavutit:

Postboks 260

3900 Nuuk

1. Naalakkersuisut qanoq iliorlutik qulakkeerniarpaat Pituffimmi innuttaasut inatsisitigut piumasaqaataasoq naapertorlugu sunngiffimmi atuartinneqartalernissaat?

Tlf. (+299) 34 50 00

Fax (+299) 34 66 66

E-mail: ikinn@nanoq.gl

www.nanoq.gl

Akissut: Apeqqutinnut qujavunga, kissaatigalugulu ima akissuteqarnissara.

Ilumoorpoq, Naalakkersuisut inatsisiliorneq isumaqatigiissutillu atuuttut naapertorlugit qullinerusumik akisussaafeqarmata, Pituffimmi innuttaasut inatsisitigut piumasaqaataasumik sunngiffimmi atuartinneqartarnissaannik periarfississallugit.

Taamaattumik isumaqarpunga, paatsuisoqarsimassasoq, tunngavilersuutinni allakkavit Pituffimmi innuttaasut 2010-miilli inatsisitigut piumasaqaataasumik sunngiffimmi atuartitaasarnissamut neqeroorfigineqarsimanngitsut. Soorlu illit allakkit, 2010-mi sunngiffimmi sammisassaqtitsinermut tassunga ilanngullugu sunngiffimmi atuartitsinermut 206.000 kroninik immikkoortitsisoqarsimasoq.

Ilumoorpoq, Naalakkersuisut 2007-imi, Innuttaasut Siunnersuisoqatigiivisa namminneq kissaateqarnerat naapertorlugu, Pituffimmi Kulturikkut aamma Sunngiffimmi sammisassaqtitsinikkut suliassat Innuttaasut Siunnersuisoqatigiivinut tunniummatigit. Kulturikkut ingerlatsineq sunngiffimmilu sammisassaqtitsineq pillugit Inatsisartut peqqussutaanni nr. 10, 21. maj 2002-meersumi § 3, imm. 1-imi aalajangersakkap saniatigut inatsisitigut toqqammaveqarlutik Kommunit aggorneqarnerisa avataanniittut nunaqqatigiit siunnersuisoqatigiivi pillugit Inatsisartut inatsisaanni nr. 13, 20. oktober 1988-meersumi malittarisassat naapertorlugit Naalakkersuisut najukkami innuttaasut siunnersuisoqatigiivinut suliassat isumagisassanngortissinnaavaat.

2011-mut aningaasanut inatsisip akuersissutigineqarnerani Inatsisartut Pituffimmi Innuttaasut Siunnersuisoqatigiivinut aningaasaliissutit konto pingaarnermut katersorsimavaat. Taamaasillutik Innuttaasut Siunnersuisoqatigiivisa siunnersuisoqatigiiffiup sulineranut aningaasaliissutit tamarmiusut pissarsiarisarpai, taakkununga ilanngullugit kulturikkut ingerlatsinerup sunngiffimmilu sammisassaqtitsinerup isumagineqarneranut aningaasat. Tamannalu Naalakkersuisut 13.maj 2011-mi allakkatigut Innuttaasut Siunnersuisoqatigiivinut nalunaarutigisimavaat.

Naalackersuisut Innuttaasut Siunnersuisoqatigiivisa sulinerinut aningaasaliissutit tamarmiusut konto-p ataatsip ataanut katersorneqarnissaanik aalajangiinerminni, taakkununga ilanngullugit kulturikkut ingerlatsinermut sunngiffimilu sammisassaqartitsinermut aningaasat, kissaatigisimavaat Innuttaasut Siunnersuisoqatigiivi periarfissinniarlugit namminneq aningaasat atortassagaat Innuttaasut Siunnersuisoqatigiivisa pingaarnersiuiineri malillugit.

Taamaasillutik Naalackersuisut aalajangiusimavaat, Innuttaasut Siunnersuisoqatigiivisa pisussaaffigigaat Pituffimmi innuttaasunut sunngiffimmi sammisassaqartitsillutik neqerooruteqartarsinnaanerat Innuttaasut Siunnersuisoqatigiivinut tamarmiusumik aningaasaliissutit iluannit pisassasoq.

Inussiarnersumik inuulluaqqusillunga

Mimi Karlsen